



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-377-5/24**
Datum: **30.10.2024. godine**

„Agencija za vodno područje rijeke Save“ Sarajevo rješavajući po zahtjevu korisnika Obrt „ESO“, vlasništvo Draganović (Ekrem) Admire iz Ključa, za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta i ispuštanje tehnoloških otpadnih voda sa lokacije klaonice krupne i sitne stoke te štale za prijem stoke do klanja sa pratećim sadržajima, izgrađenog u naselju Pudin Han, Općina Ključ, na osnovu člana 109. stav (1) tačka 2. i člana 109. stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 63/22), donosi:

R J E Š E N J E
o vodnoj dozvoli

1. Daje se vodna dozvola korisniku Obrt „ESO“, vlasništvo Draganović (Ekrem) Admire iz Ključa, za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta i ispuštanje tehnoloških otpadnih voda sa lokacije klaonice krupne i sitne stoke sa pratećim sadržajima, izgrađenog na zemljištu označenom kao k.č. broj 3/22 K.O. Velagići (706 K.O. Hadžići), Općina Ključ.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav 2. tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog objekta, ukoliko se uzorkovanjem otpadnih voda utvrdi da su granične vrijednosti efluenta više od vrijednosti definiranih Uredbom o ispuštanju otpadnih voda, u toku važenja ovog Rješenja angažira pravno lice sa ovlaštenjem (lista A) za projektiranje sistema za tretman i ispuštanje tehnoloških otpadnih voda, odnosno inovira Glavni projekt – vanjske hidroinstalacije – prikupljanje, odvođenje i prečišćavanje tehnoloških i fekalnih otpadnih voda iz objekta klaonice sa preradom mesa uz dovod pitke i tehnološke vode za poslovni objekat klaonice sa preradom mesa u naselju Pudin Han – općina Ključ, investitora Selima Draganovića, vl. ESO t.r. Mesnica – Ključ u cilju zadovoljavanja propisanih graničnih vrijednosti efluenta; urađen od strane Preduzeća za inženjering, građevinarstvo, trgovinu i usluge „IBIS“ d.o.o. Zavidovići pod brojem 36-IB-G/13, juna 2013. godine, u Zavidovićima.
 - 3.2. Usvojenim rješenjem se mora obezbijediti da prečišćene otpadne vode prije ispuštanja u površinsku vodu moraju da zadovolje granične vrijednosti emisije definirane Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20 i 01/24).
 - 3.3. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije
 - 3.4. Da korisnik objekata klaonice sa pratećim sadržajima iste održava u funkcionalnom stanju i koristi u skladu sa njihovom namjenom i uslovima iz ove vodne dozvole.
 - 3.5. Vlasnik, odnosno korisnik poslovnog objekta je obavezan da izgrađene objekte, a čija svrha je odvođenje i prečišćavanje otpadnih voda, redovno održava i koristiti na način koji će obezbijediti njihovu potpunu ispravnost i funkcionalnost.
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe. Rezultate analiza dostaviti ovoj Agenciji.
Izvjestaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu

- člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.7. Ukoliko Vlada kantona propiše dodatne (strožije) uvjete za ispuštanje otpadnih voda, od uvjeta definisanih u tabeli 1.1. kolona 3. Priloga 1., odnosno Priloga 8 – Granične vrijednosti emisija otpadnih voda iz prerade mesa i konzerviranja mesnih proizvoda Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH” broj: 26/20, 96/20 i 1/24), podnosilac zahtjeva je u obavezi iste ispoštovati.
 - 3.8. Da Investitor, u toku važenja ovog Rješenja, odgovorno vodi proces rada kako bi se smanjio teret zagađenja i količina ispuštene tehnološke otpadne vode iz objekta klaonice.
 - 3.9. Da korisnik obavezno praktikuje suho čišćenje radnih površina, prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.10. Da se spriječi nekontrolisano rasipanje tečnog i krutog otpada (osoka i đubrivo) po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse, a u cilju zaštite podzemnih i površinskih voda.
 - 3.11. Da se nastalo đubrivo i osoka iz prostorije za prijem stoke do klanja, redovno sakupljaju u odgovarajućim vodonepropusno izvedenim đubrenicima i osočarama, a koji će se periodično prazniti u svrhu đubrenja poljoprivrednog zemljišta.
 - 3.12. Osoka iz osočare ne smije imati izveden preliv u okolno zemljište ili na okolni teren.
 - 3.13. Da se privremeno i konačno zbrinjavanje klaoničkog konfiskata koji nastaje u postupku klanja i obrade trupala kao i drugih nusprodukata, vrši u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša.
 - 3.14. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i/ili u vode).
 - 3.15. Otpad koji nastaje u postupku klanja i obrade mesa kao i drugi nusprodukti, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale te zonama sanitarne zaštite izvorišta vode za piće.
 - 3.16. Da se čišćenja i pražnjenje uređaja za tretman otpadnih voda vrši isključio od strane ovlaštenog pravnog lica za predmetne djelatnosti, prema posebnom ugovoru. O načinu i vremenu radova održavanja neophodno je voditi službenu evidenciju i arhivu.
 - 3.17. Da se oborinske vode sa krovova objekata kompleksa pakupe i zatvorenim sistemom kanalizacionih cijevi odvedu direktno u recipijent.
 4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj: 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 13., te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, korisnik objekta Obrt „ESO” iz Ključa, je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
 9. Ova vodna dozvola, shodno članu 117. stav (1) Zakona o vodama („Službene novine Federacije BiH”, broj 70/06) se daje sa rokom važenja od 5 (pet) godina, od dana pravosnažnosti ovog rješenja.

10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Obrt „ESO“ Ključ, kao korisnik, obratio se ovoj Agenciji dana 16.7.2024. godine (zaprimljen dana 22.7.2024. godine) zahtjevom, broj: 005-1/24, za izdavanje vodne dozvole za ispuštanje otpadnih voda sa lokacije klaonice krupne i sitne stoke i štale za prihvat stoke sa pratećim sadržajima, izgrađenog u naselju Velagići, općina Ključ.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Uplatnica upravne pristojbe,
- Rješenje, kojim se odobrava Draganović (Ekrem) Admiri JMB /2705981107382/ iz Ključa, Pudín Han br. 103 obavljanje vezanog obrta kao dopunsko zanimanje i to: prerada i konzerviranje mesa, šifra: C/10.11, 10.11; izdano od strane Službe za razvoj, privredu i civilnu zaštitu Općine Ključ pod brojem 04-17-752/20, dana 07.12.2020. godine (ovjerena kopija),
- Uvjerenje o registraciji poreznog obveznika; izdano dana 10.12.2020. godine (ovjerena kopija),
- Ovjerena kopija lične karte,
- Rješenje o upotrebi građevine – upotrebna dozvola, kojim se utvrđuje da su radovi na izgradnji građevine – poslovnog objekta „KLAONICA stoke“, u naselju Pudín Han – Draganovići po investitoru Draganović (Esad) Selimu iz Pudín Hana, općina Ključ izvedeni u skladu sa investiciono tehničkom dokumentacijom, tehničkim propisima, normativima i standardima za ovakvu vrstu građevine – odnosno da je predmetna građevina – poslovni objekt „Klaonica stoke“ tehnički ispravan te se kao takav MOŽE početi koristiti; izdano od strane Službe za prostorno uređenje, stambeno komunalne, imovinsko pravne, geodetske poslove i katastar nekretnina Općine Ključ pod brojem 03-23-3-19/02, dana 06.09.2012. godine (kopija),
- Rješenje o vodnoj dozvoli, kojim: 1. mijenja se rješenje ove Agencije broj: UP-I/25-3-40-314-5/19 od 22.07.2019. godine u smislu promjene imena Vlasnika obrta „ESO“, tako da umjesto imena Vlasnika Draganović Selim treba da stoji: Draganović (Ekrema) Admiri a promjena rješenja se odnosi na Vodnu dozvolu za ispuštanje otpadnih voda iz izgrađenoga objekta klaonice krupne i sitne stoke i štale za prihvat stoke izgrađenog na zemljištu označenom kao k.č. br. 3/22 K.O. Velagići, općina Ključ; izdano od strane Agencije za vodno područje rijeke Save Sarajevo pod brojem UP-I/25-3-40-314-6/19, dana 27.08.2021. godine (kopija),
- Zapisnik br. OV-133/24 EZ o uzorkovanju otpadnih voda; urađen od strane Poduzeća za kontrolu kakvoće i količine robe HERKON d.o.o. Mostar, dana 24.6.2024. godine,
- Isječak iz Izvješća o ispitivanju br. 22-06/24 otpadnih voda od klanja i prerade mesa, Obrt ESO iz Ključa; urađen od strane ovlaštenog pravnog lica HERKON d.o.o. Mostar, dana 3.7.2024. god. (kopija),
- Rješenje o vodnoj dozvoli, kojim se daje vodna dozvola pravnom licu, obrt „ESO“, čiji je vlasnik Draganović Selim, za ispuštanje otpadnih voda iz izgrađenog poslovnog objekta klaonice krupne i sitne stoke i štale za prihvat stoke izgrađenog na zemljištu označenom kao k.č. br. 3/22, k.o. Velagići, općina Ključ; izdano od strane Agencije za vodno područje rijeke Save Sarajevo pod brojem UP-I/25-3-40-314-5/19, dana 22.07.2019. godine (kopija),
- Godišnji izvještaj monitoringa i ispitivanja voda za OBRT ESO Ključ, objekt: Klanje i prerada mesa na lokaciji Ključ; urađen od strane Poduzeća za kontrolu kakvoće i količine robe HERKON d.o.o. Mostar, juna 2023. godine pod brojem GI-OV-02-103/23,
- Rješenje, kojim se utvrđuje da klaonica preživara, OBRT „ESO“ na lokaciji Pudín Han br. 103, općina Ključ, u pogledu izgradnje, tehničkog uređenja, opreme, kadra, načina rada i higijene ispunjava minimum propisanih veterinarsko-zdravstvenih uvjeta za obavljanje navedene djelatnosti; izdan od strane Ministarstva poljoprivrede, vodoprivrede i šumarstva Unsko-sanskog kantona pod brojem 08-20-16883-UP-1/20, dana 30.03.2021. godine, u Bihaću (kopija),
- Obavijest, kojom Ministarstvo poljoprivrede, vodoprivrede i šumarstva Unsko-sanskog kantona obavještava podnosioca zahtjeva da do daljnjeg ne podnosi zahtjev za izdavanje obnovljene okolinske dozvole, a vezano za objekat klaonice, za koji je ovo Ministarstvo izdalo okolišnu

- dozvolu broj: 11/2-23-6458-UP-1/11 od 03.11.2016. godine; data pod brojem 11-19-8096-1/21, dana 04.08.2021. godine, u Bihaću (kopija),
- Ugovor o praćenju kvaliteta otpadnih voda u skladu sa postojećom zakonskom procedurom, zaključen sa ovlaštenim pravnim licem HERKON d.o.o. Mostar pod brojem: IT-140-2021, dana 29.12.2021. godine, u Ključu (kopija),
 - Aneks ugovora br. IT140-2021 od 29.12.2021. godine,
 - Rješenje, kojim se mijenja pravosnažno rješenje br. 04-17-752/20 od 07.12.2020. godine tako da glasi: Odobrava se Draganović (Ekrem) Admiri JMB /2705681107382/ iz Ključa, Pudin Han br. 103, obavljanje obrta kao dopunsko zanimanje i to: prerada i konzerviranje mesa, šifra C/10.11, 10.11., naziv firme: Obrt „ESO“, Poslovno sjedište: Pudin Han br. 103, Ključ; izdano od strane Službe za razvoj, privredu i civilnu zaštitu općine Ključ pod brojem 04-17-642/22 od 22.09.2022. godine (kopija),
 - Ugovor o tehničkoj saradnji; zaključen sa J.P. Veterinarska stanica d.o.o. Ključ pod brojem P:11-01/23, dana 13.01.2023. godine (kopija),
 - Rješenje, kojim se utvđuje da klaonica preživara, OBRT „ESO“ na lokaciji Pudin Han br. 103, općina Ključ, u pogledu izgradnje, tehničkog uređenja, opreme, prostora, kadra, načina rada i higijene ispunjava minimum propisanih veterinarsko-zdravstvenih uvjeta za obavljanje navedene djelatnosti; izdano od strane Ministarstva poljoprivrede, vodoprivrede i šumarstva Unsko-sanskog kantona pod brojem: 08-04-1803-UP-1/23, dana 08.05.2023. godine (kopija),
 - Kopija katastarskog plana; Katastarska općina Velagići; izdana od strane Općinske geodetske uprave Ključ dana 17.01.2012. godine,
 - Rješenje o vodnoj suglasnosti, kojim se podnosiocu zahtjeva Draganović /Esad/ Selim, vlasniku obrta „ESO“, daje vodna suglasnost za ispuštanje tehnoloških otpadnih voda koje nastaju iz poslovnog objekta – klaonica s preradom mesa sa pratećim sadržajima, koji se planiraju graditi u mjestu Pudin Han, općina Ključ, na zemljištu označenom kao k.č. broj 3/22, K.O. Velagići, općina Ključ u postupku pribavljanja odobrenja za građenje; izdano od strane Agencija za vodno područje rijeke Save Sarajevo pod brojem UP-I/25-2-40-710-2/13, dana 13.11.2013. godine (kopija),
 - Ugovor o pražnjenju septičke jame; zaključen sa Javnim preduzećem „Ukus“ d.o.o. Ključ pod brojem 68/16, dana 11.02.2016. godine (kopija),
 - Rješenje o obnovljenoj okolinskoj dozvoli, kojim se izdaje obnovljena okolišna dozvola operatoru Trgovačka radnja mesnica „Eso“ Ključ za objekat klaonice sa proizvodnim kapacitetom 4t/d koji se nalazi u naselju Pudin han – Draganovići, na zemljištu označenom kao k.č. br. 3/22 k.o. Velagići, općina Ključ; izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem 11/2-23-3458-UP-1/16, dana 03.11.2016. godine, u Bihaću (kopija),
 - Tlocrt suterena objekta klaonice „ESO“, urađen od strane pravnog lica „GRAPING“ d.o.o. Ključ, aprila 2008. godine (kopija),
 - Šema vodovoda i kanalizacije suterena objekta klaonice „ESO“, urađena od strane pravnog lica „GRAPING“ d.o.o. Ključ, aprila 2008. godine (na uvid),
 - Tehničko-tehnološki projekat objekta za klanje životinja zanatskog tipa investitora Draganović Selima, na lokaciji Pudin Han bb, općina Ključ, urađen januara 2012. godine (na uvid),
 - Tehnički elaborat o ispuštanju otpadnih voda za poslovni objekat klaonice sa preradom mesa u naselju Pudin Han, općina Ključ, investitora Selima Draganovića, vl. ESO t.r. – mesnica Ključ; urađen od strane Preduzeća za inženjering, građevinarstvo, trgovinu i usluge „IBIS“ d.o.o. Zavidovići, pod brojem 22-IB-TE/13, juna 2013. godine, u Zavidovićima,
 - Glavni projekt – vanjske hidroinstalacije – prikupljanje, odvođenje i prečišćavanje tehnoloških i fekalnih otpadnih voda iz objekta klaonice sa preradom mesa uz dovod pitke i tehnološke vode za poslovni objekat klaonice sa preradom mesa u naselju Pudin Han – općina Ključ, investitora Selima Draganovića, vl. ESO t.r. Mesnica – Ključ; urađen od strane Preduzeća za inženjering, građevinarstvo, trgovinu i usluge „IBIS“ d.o.o. Zavidovići pod brojem 36-IB-G/13, juna 2013. godine, u Zavidovićima (na uvid),
 - Izvještaj o izvršenoj tehničkoj kontroli – reviziji projektne dokumentacije – Glavni projekat vanjskih hidroinstalacija za poslovni objekat klaonice sa preradom mesa Selima Draganovića v. ESO vl. Mesnica – Ključ; urađen od strane ovlaštenog pravnog lica HIGRACON d.o.o. Sarajevo pod brojem 113-01-06/13, dana 26.06.2013. godine, u Sarajevu (na uvid),

- Zaključak o visini i roku za plaćanje posebnih troškova; izdan od strane Agencije za vodno područje rijeke Save Sarajevo pod brojem UP-1/21-3-40-377-2/24, dana 22.8.2024. godine te kopija naloga za plaćanje istih,
- Službena zabilješka, broj: UP-1/21-3-40-377-4/24 od 30.09.2024. godine.e

Nakon pregleda dostavljene dokumentacije, u skladu sa članom 12. stav (5) Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15,55/19, 41/20 i 63/22), izvršen je pregled izgrađenog poslovnog objekta klaonice krupne i sitne stoke sa pratećim sadržajima, i tom prilikom sačinjen zapisnik o uviđaju broj: UP-1/21-3-40-377-3/24 od 18.09.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Poslovni objekt klaonice zanatskog tipa, koju koristi obrt „ESO“, vlasništvo Draganović Admir iz Ključa, se nalazi u naselju Pudin Han, općina Ključ. Objekt je povezan asfaltnim nekategorisanim putem za Vukovska brda u dužini cca 1,5 km sa magistralnom cestom M15 (Ključ – Bosanska Dubica), a ta raskrsnica je cca 0,5 km udaljena od raskrsnice sa magistralnom cestom M5 (Bihać – Jajce).

Klanje stoke se vrši u objektu klaonice, sa pripadajućom manipulativnom površinom za dovoz stoke (nečisti vanjski dio) i internom manipulativnom površinom za odvoz mesa (čisti vanjski dio). Manipulativne površine su asfaltirane. Unutrašnjost klaonice se dijeli na nečisti dio (prostor za prijem stoke, klanje, i sl.) te čisti dio (prostor za otkošavanje, hlađenje i otpremu mesa).

Prijem i držanje stoke do klanja se drži u toru za stoku, lociran neposredno na ulazu u nečisti dio objekta, kroz koji se dolazi do prostora klaonice. Stoka se ne zadržava u toru za klanje već se ista dovodi neposredno prije samog čina klanja. U neposrednoj blizini predmetnog objekta je izgrađen objekt štale, u kojem podnosilac zahtjeva vrši tov junadi. Objekt štale se nalazi izvan predmetne katastarske čestice (uvidom na internet stranici geoportal.ba, konstatirano je da se objekt štale nalazi na k.č. broj: 1878 K.O. Humići), nije predviđen odobrenom projektnom dokumentacijom na osnovu koje se izdaje vodna saglasnost i nije predmet ove dozvole.

Dakle, dozvola se ne odnosi na objekat štale koji nije predviđen odobrenom projektnom dokumentacijom niti je izgrađen na predmetnoj katastarskoj čestici i za koji nisu priloženi akti o građenju, kao niti na prostor za privremeni prijem, soljenje i otpremu kože, smješten na prizemnoj etaži, prema nekategorisanoj asfaltnoj cesti, sa druge strane predmetnog objekta klaonice.

Ukoliko korisnik predmetnog objekta želi da pribavi vodni akt za aktivnost prijema, soljenja i privremenog skaldištenja kože zaklanih životinja potrebno je da angažira ovlašteno pravno lice (lista A) za izradu projektne dokumentacije ili dopunu postojeće te podnese zahtjev za izmjenu ovog vodnog akta, a u skladu sa članom 130. Zakona o vodama. Uvjet je da ima pribavljene akte o građenju za prizemlje postojećeg objekta klaonice sa odgovarajućom namjenom prostora.

Sanitarne otpadne vode iz sanitarnih prostorija objekta su kanalizacionim cijevima sprovedene do septika. Oborinske vode sa krovova su sistemom horizontalnih i vertikalnih oluka sprovedene do ispusta na zelenu površinu.

Otpadne vode sa prostora za klanje se prihvataju u kanalicu. Preliv iz kanalice, preko sabinika, je izveden u sabirnu jamu.

Objekt nije opremljen prostorom za sanitaciju vozila, a uvidom na terenu nije utvrđeno da je (nije) instaliran uređajem za tretman voda zagađenih sanitacijom vozila, niti otpadnih voda nastalih na radnim prostorima klaonice, na način kako je to predviđeno Glavnim projektom – vanjske hidroinstalacije – prikupljanje, odvođenje i prečišćavanje tehnoloških i fekalnih otpadnih voda iz objekta klaonice sa preradom mesa uz dovod pitke i tehnološke vode za poslovni objekat klaonice sa preradom mesa u naselju Pudin Han – općina Ključ, investitora Selima Draganovića, vl. ESO t.r. Mesnica – Ključ; urađen od strane Preduzeća za inženjering, građevinarstvo, trgovinu i usluge „IBIS“ d.o.o. Zavidovići pod brojem 36-IB-G/13, juna 2013. godine, u Zavidovićima. Predviđen je biološki prečistač otpadnih voda, smješten u AB okno ispod nivoa manipulativnih površina. Korisnik predmetnog objekta nije mogao pronaći odovarajuću atestnu i drugu dokumentaciju da bi dokazao da je isti i ugrađen. Priložen je izvještaj o mjerenju kvaliteta otpadnih tehnoloških voda urađen juna mjeseca 2023. godine, uzet iz preliva taložnika. Rezultati monitoringa prikazuju dozvoljene vrijednosti mjerenih parametara efluenta. Rješenje o građenju i rješenje o upotrebi predmetnog objekta su stariji od rješenja o vodnoj saglasnosti za ispuštanje tehnoloških otpadnih voda.

Tehnološki postupak počinje dovozom stoke i prijemom u prostor za prijem stoke – tor. Stoka se koridorom dovodi u prostoriju za klanje. Nakon klanja se vrši iskrvarenje, skidanje kože i vađenje utorbe i iznutrica te rasjecanje trupla na dvije polutke. Polutke se potom horizontalnim transporterom odnose do prostorije za rasijecanje mesa (ako svježe meso idu u maloprodaju) ili u hladnjaču. Rasječeno svježe ili zamrznuto meso se potom transportuje do maloprodajnih mjesta.

Na prizemnoj etaži objekta, sa direktnim pristupom sa nekategorisane ceste za Vukovska brda, sa druge strane objekta, se vrši prijem i privremeno skladištenje kože do odvoza krajnjem kupcu. Ova aktivnost nije predviđena odobrenom projektnom dokumentacijom i nije predmet ovog upravnog postupka.

Objekt je priključen na javni gradski vodovodni sistem za potrebe sanitarne vode i vode u tehnološkom postupku čišćenja i održavanja radnih prostora, kao i za pranje i čišćenje trupala od krvi i sadržaja utorbe. Radne površine su obložene keramikom radi lakog čišćenja i održavanja, sa ugrađenim slivnikom za odvod otpadnih voda. Krv sa prostora za klanje i iskrvarenje stoke se cijevnim sistemom odvodi do kanalice te se zbrinjava u zaseban spremnik. Prostorija za rasijecanje i obradu mesa te prostor za hlađenje mesa se čiste suhim postupkom.

Priloženo je rješenje o upotrebi objekta na zemljištu označenom kao k.č. broj: 3/22 K.O. Velagići, kao i Kopija katastarskog plana izdana od strane Općinske geodetske uprave Općine Ključ, na dan 17.01.2012. godine. Oblik parcele na Kopiji katastarskog plana odgovara stanju na terenu. Uvidom na internet stranici geoportal.ba je konstatirano da se objekt klaonice nalazi na k.č. broj: 706 K.O. Hadžići, a objekt štale na k.č. broj: 1878 K.O. Humići.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama, Uredbe o uslovima ispuštanja otpadnih voda u okoliš i sisteme javne kanalizacije i Pravilnika o sadržaju, obliku, uslovima i načinu izdavanja i čuvanja vodnih akata propisani uslovi kojih se investitor ima pridržavati. Na osnovu provedenog postupka i utvrđenog činjeničnog stanja, doneseno je rješenje kao u dispozitivu.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Ahmet Smajlović, dipl. inž. arh.

Po ovlaštenju
Rukovodilac sektora za izdavanje
vodnih akata


Nihad Pežo, dipl.inž.grad.

Dostaviti:

- Obrt „ESO“, vl. Admira Draganović, Pudin Han br. 103, 79 280 Ključ
- ⊖ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava